



**Broj predmeta:** 39-000016/26  
**Broj akta:** 13-1643SB-0001/26  
**Datum,** 23. 4. 2026.. godine  
**Mjesto,** Brčko

### Javni poziv

## JAVNI POZIV ZA FINANSIRANJE ODNOSNO SUFINANSIRANJE PROGRAMA ODNOSNO PROJEKATA OD JAVNOG INTERESA IZ OBLASTI KULTURE I SPORTA

Na osnovu člana 57. i 59. Zakona o budžetu Brčko distrikta BiH („Službeni glasnik Brčko distrikta BiH”, broj: 34/19 i 22/23), člana 4 i 6. Pravilnika o dodjeli sredstava za finansiranje programa, projekata od javnog interesa u Odjeljenju za privredni razvoj, sport i kulturu („Službeni glasnik Brčko distrikta BiH”, broj: 18/24), (u daljnjem tekstu: Pravilnik), Odluke o odobravanju Programa utroška sredstava donacija Odjeljenja za privredni razvoj, sport i kulturu za 2026. godinu, broj:13-000604/26, broj akta: 01.11-1186NK-008/26 od 11. 3. 2026. godine, objavljuje se Javni poziv za prijavu programa odnosno projekata od javnog interesa iz oblasti kulture i sporta.

#### Cilj finansiranja:

- Razvoj oblasti kulture i amaterskog sporta u skladu s planom i programom rada Odjeljenja za privredni razvoj, sport i kulturu.

#### Finansijski okvir:

(1) Sredstva osigurana na organizacionom kodu 17020001, ekonomski kod 614300 – Tekuće donacije neprofitnim organizacijama u iznosu od **610.000,00 KM**, raspoređuju se na sljedeći način:

- 1) Za programe i projekte od javnog interesa iz oblasti kulture dodjeljuje se **290.000,00 KM** od ukupnog iznosa,
- 2) Za programe i projekte od javnog interesa iz oblasti nacionalne kulture Srba dodjeljuje se **80.000,00 KM** od ukupnog iznosa,

3) Za programe i projekte od javnog interesa iz oblasti nacionalne kulture Hrvata dodjeljuje se **80.000,00 KM** od ukupnog iznosa,

4) Za programe i projekte od javnog interesa iz oblasti nacionalne kulture Bošnjaka dodjeljuje se **80.000,00 KM** od ukupnog iznosa,

5) Za programe i projekte od javnog interesa iz oblasti nacionalne kulture Roma dodjeljuje se **10.000,00 KM** od ukupnog iznosa.

6) Za programe i projekte od javnog interesa iz oblasti nacionalne kulture manjina dodjeljuje se **10.000,00 KM** od ukupnog iznosa.

7) Za organizovanje otvaranja manifestacije „Sportske igre mladih BiH u Brčko distriktu BiH“ dodjeljuje se **60.000,00 KM** od ukupnog iznosa.

**- Minimalni odnosno maksimalni iznos planiranih sredstava po programu i projektu od javnog interesa:**

a) oblast kultura, minimalni iznos je **1.000,00 KM**, a maksimalni iznos je **30.000,00 KM**;

b) oblast nacionalne kulture, minimalni iznos je **1.000,00 KM**, a maksimalni iznos je **80.000,00 KM**;

c) oblast organizovanje otvaranja manifestacije „Sportske igre mladih BiH u Brčko distriktu BiH“, minimalni iznos je **1.000,00 KM**, a maksimalni iznos je **60.000,00 KM**;

(2) Neutrošena sredstva iz jedne oblasti mogu se preraspodijeliti na druge oblasti.

– Maksimalni iznos sredstava rezervi za pokriće vanrednih i nepredviđenih troškova u vezi s realizacijom programa odnosno projekta od javnog interesa je **10%** od ukupnog iznosa dobijenih sredstava.

– Maksimalni iznos za pokriće troškova ljudskih resursa (u svrhu realizacije programa o projekta od javnog interesa) je **25%** od ukupnog iznosa dobijenih sredstava.

– Maksimalni iznos prenamjene sredstava sa jedne na drugu budžetsku stavku je **10%** od ukupnog iznosa dobijenih sredstava.

### **Vrijeme trajanja projekta**

---

Krajnji rok do kojeg korisnik sredstava mora utrošiti sredstva je 1. 6. 2027. godine.

### **Kriteriji za učestvovanje na javnom pozivu**

---

**(1) Opći kriteriji za ocjenu programa odnosno projekta od javnog interesa:**

a) Procjena usklađenosti ciljeva programa odnosno projekta od javnog interesa s ciljevima i prioritetskim područjima te strateškim i drugim planskim dokumentima razvoja Distrikta i planovima Odjeljenja, kako su opisani u javnom pozivu;

b) Kvalitet i sadržaj prijavljenog programa odnosno projekta od javnog interesa, u smislu da li:

1) su ciljevi programa odnosno projekta od javnog interesa jasno definisani i realno dostižni,

- 2) su aktivnosti programa odnosno projekta od javnog interesa definisane, opravdane, razumljive i provodive i hoće li aktivnosti dovesti do ostvarivanja planiranih rezultata,
  - 3) je program odnosno projekat od javnog interesa jasno definisane korisnike, iz ciljane grupe, te da li provođenje programa odnosno projekta i, ako da, u kojoj mjeri doprinosi rješavanju njihovih problema,
  - 4) je planirano vrijeme provođenja programa/projekta od javnog interesa realno,
  - 5) je prijedlog (ANEKS III) i logička matrica programa odnosno projekata od javnog interesa (ANEKS V) precizna i jasna;
- c) Kvalitet dosadašnjeg rada, uspjesi i iskustva prijavljenog lica te direktna saradnja s Odjeljenjem, u smislu da li:
- 1) je dosadašnji rad prijavljenog lica pozitivno uticao na razvoj i unapređenje oblasti na koju se odnosi njegova djelatnost na teritoriji Distrikta,
  - 2) su u dosadašnjem radu prijavljenog lica postignuti određena dostignuća u vidu priznanja, nagrada i slično,
  - 3) je do sada prijavljeno lice ostvarivalo direktnu saradnju s Odjeljenjem i kvalitet dosadašnje saradnje;
- d) Neposredna društvena korist za zajednicu, u smislu da li provođenje programa odnosno projekta od javnog interesa:
- 1) pruža određene materijalne doprinose za društvenu zajednicu,
  - 2) ima implikacije na radno okruženje kroz angažovanje dodatnih lica na realizaciji istog/odnosno osposobljavanje,
  - 3) utiče na promociju Brčko distrikta BiH,
  - 4) pruža neke druge nematerijalne doprinose za društvenu zajednicu, koji nisu obuhvaćeni prethodnim potkriterijima;
- e) Finansijska i druga sposobnost za provođenje programa odnosno projekta od javnog interesa te realan odnos troškova i očekivanih rezultata aktivnosti programa odnosno projekta od javnog interesa:
- 1) jesu li troškovi programa odnosno projekta od javnog interesa realni u odnosu na predviđene rezultate i predviđeno vrijeme trajanja,
  - 2) jesu li aktivnosti prikazane u budžetu relevantne za provođenje programa odnosno projekta od javnog interesa,
  - 3) jesu li navedeni troškovi u budžetu realno i precizno iskazani, u smislu realne cijene odnosno procjene vrijednosti,
  - 4) da li je razrađen model sufinansiranja,
  - 5) da li prijavljeno lice ima osigurane ostale neophodne resurse za provođenje planiranog programa odnosno projekta o javnog interesa;
- f) Održivost rezultata programa odnosno projekta od javnog interesa, u smislu da li:
- 1) provođenje programa odnosno projekta od javnog interesa proizvodi trajni učinak odnosno se održavanje rezultata i ciljeva projekta nastavlja i nakon njegovog formalnog završetka,
  - 2) su kvalitetno osmišljeni mehanizmi upravljanja rizicima i provođenju programa odnosno projekata od javnog interesa.

**(2) Posebni kriteriji za ocjenu programa odnosno projekta od javnog interesa:**

- a) dosadašnje iskustvo u provođenju programa i projekata od javnog interesa finansiranih iz istog ili drugih izvora finansiranja;

b) organizovanost i broj članova prijavljenog lica, odnosno odgovarajući kapaciteti prijavljenog lica, odnosno broj lica koja bi učestvovala u realizaciji programa odnosno projekta od javnog interesa, u smislu:

- 1) jesu li očekivani rezultati programa odnosno projekta od javnog interesa realno postavljeni u odnosu na raspoložive ljudske kapacitete,
- 2) da li rukovodioci programa odnosno projekta od javnog interesa, tj. lica koja bi učestvovala u realizaciji imaju odgovarajuće sposobnosti, znanja i iskustva za njegovo provođenje,
- 3) da li je u provođenje programa odnosno projekta od javnog interesa planirano uključenje volontera;

c) Angažman djece, mladih, žena, osoba s invaliditetom u realizaciji programa odnosno projekta od javnog interesa. Prilikom ocjene ispunjenosti ovog kriterija uzima se u obzir broj kategorija i broj lica iz navedenih kategorija, koje su uključene u realizaciju programa odnosno projekta od javnog interesa.

### Zabrana učešća na javnom pozivu

- 
- Pravo učešća na javnom pozivu nemaju prijavljena lica propisana članom 63. stav (1) Zakona o budžetu Brčko distrikta BiH.
  - Odjeljenje može izvršiti dodatne provjere na osnovu člana 63. stav (2) Zakona o budžetu Brčko distrikta BiH.

### Kalendar:

- 
- (1) Datum objave na internet stranici Vlade: **27.04.2026.** godine  
Rok za podnošenje prijave: Javni poziv ostaje otvoren do **12.05.2026.** godine do 14.00 sati.
  - (2) Komisija će nakon provjere dostavljenih prijava sačiniti preliminarni zapisnik i isti objaviti na internet stranici Vlade Brčko distrikta BiH [www.vlada.bdcentral.net](http://www.vlada.bdcentral.net), na koji se može podnijeti prigovor u roku od 5 (pet) dana od dana objave preliminarnog zapisnika.
  - (3) Planirani datum objave odluke o finansiranju na internet stranici Vlade je **01.06.2026.** godine.
  - (4) Planirani datum zaključenja ugovora je **08.06.2026.** godine.

### Obavezna dokumentacija uz prijavu

- 
- (1) Prijavljeno lice koje podnosi prijavu za učešće na javnom pozivu dostavlja sljedeću dokumentaciju:
    - a) prijavu na javni poziv (ANEKS II) potpisanu i ovjerenu od strane ovlaštenog lica;
    - b) prijedlog programa i projekta od javnog interesa (ANEKS III) potpisan i ovjeren od strane ovlaštenog lica;
    - c) budžet programa i projekta od javnog interesa (ANEKS IV) potpisan i ovjeren od strane ovlaštenog lica;
    - d) logičku matricu (ANEKS V) potpisanu i ovjerenu od strane ovlaštenog lica;
    - e) izjavu o partnerstvu s drugim organizacijama i licima, ukoliko više pravnih i fizičkih lica učestvuje zajedno u podnošenju prijave (ANEKS VI) potpisanu i ovjerenu od strane ovlaštenog lica;
    - f) izjavu o nepostojanju okolnosti koje zabranjuju učešće pravnog ili fizičkog lica na javnom pozivu, potpisanu i ovjerenu od strane ovlaštenog lica;
    - g) aktuelni izvod iz sudskog registra prijavljenog lica koji nije stariji od 30 dana – original ili ovjerenu kopiju;

- h) izjavu prijavljenog lica da nije dobio sredstva za finansiranje odnosno sufinansiranje programa odnosno projekta od javnog interesa, od drugog budžetskog korisnika potpisanu i ovjerenu od strane ovlaštenog lica;
- i) dokaz o izmirenim poreznim obavezama ili sporazum zaključen s Poreznom upravom o odgodi plaćanja neizmirenih poreznih obaveza pravnog i fizičkog lica;
- j) kopija statuta prijavljenog lica;
- k) kopija rješenja o registraciji;
- l) potvrda banke da je žiroračun aktivan;
- m) drugu dokumentaciju za koju prijavljeno lice ocijeni da je pored dokumentacije iz prethodnih tačaka ovog člana, neophodna za postupak bodovanja prema propisanim kriterijima odnosno potkriterijima za vrednovanje programa odnosno projekata od javnog interesa iz člana 13. Pravilnika.

(2) Nepotpune, nepravovremene i prijave podnesene od strane neovlaštenog lica neće biti uzete u razmatranje i bit će odbačene odlukom.

### **Način bodovanja prijava**

---

- Nakon isteka roka za prijavu, Komisija za dodjelu otvara pristigle prijave i utvrđuje da li su ispunjeni kriteriji propisani odredbama Pravilnika te vrši bodovanje programa i projekata od javnog interesa i to bodovanjem pojedinačnog kriterija odnosno potkriterija od jedan do najviše pet bodova.
- Maksimalan broj bodova za ocjenu podnesenog programa odnosno projekta od javnog interesa iznosi pet puta ukupni broj općih i posebnih kriterija odnosno potkriterija puta broj ocjenjivača tj. članova komisije.
- Članovi Komisije za dodjelu pojedinačno i nezavisno jedan od drugog vrše bodovanje svakog pojedinačnog kriterija/potkriterija programa odnosno projekta od javnog interesa, nakon čega se dati bodovi sabiraju i njihov zbir predstavlja ocjenu pojedinačnog kriterija/potkriterija.
- Zbir ocjena pojedinačnog kriterija svih članova Komisije za dodjelu čini konačnu ocjenu predloženog programa odnosno projekta od javnog interesa.
- Finansiranje odnosno sufinansiranje programa odnosno projekta nije odobreno ako podneseni program odnosno projekat u postupku bodovanja ne ostvari minimalno **60%** (šezdeset posto) maksimalnog broja bodova prema kriterijima za ocjenu.
- Po okončanju postupka ocjene ispunjenosti općih i posebnih kriterija za ocjenu programa i projekata od javnog interesa, Komisija za dodjelu sačinjava preliminarnu listu na kojoj će biti naveden spisak programa i projekata od javnog interesa, koji su odobreni s iznosom odobrenih sredstava, te spisak programa i projekata od javnog interesa koji nisu prihvaćeni uz kratko navođenje razloga za odbijanje odnosno odbacivanje, koji će nakon odobrenja od strane šefa Odjeljenja biti objavljena na zvaničnoj internet stranici Vlade.
- Na preliminarnu listu prijavljena lica u postupku dodjele sredstava imaju pravo prigovora u roku od pet dana od dana objavljivanja liste na zvaničnoj internet stranici Vlade.
- O podnesenom prigovoru iz stava (6) ovog člana odlučuje Komisija za prigovore.
- Nakon što razmotri podnesene prigovore Komisija za prigovore sačinjava zapisnik koji dostavlja Komisiji za dodjelu koja sačinjava konačnu rang-listu s prijedlogom visine sredstava po pojedinačnom odobrenom programu odnosno projektu od javnog interesa.
- Nakon sačinjavanja konačne rang-liste, Komisija za dodjelu dostavlja istu zajedno s prijedlogom visine sredstava po pojedinačnom pozitivno ocijenjenom programu odnosno projektu dostavlja šefu na daljnje postupanje i pripremu Odluke o dodjeli sredstava.

### **Postupak zaključenja ugovora**

---

- Odjeljenje zaključuje Ugovor o finansiranju odnosno sufinansiranju s prijavljenim licem kojem je odobren program odnosno projekat od javnog interesa.

– Ugovor i sva plaćanja povezana s njim ne mogu se prenositi na treću stranu bez prethodne pisane saglasnosti Odjeljenja.

### **Odredbe o prihvatljivim i neprihvatljivim troškovima**

---

- (1) Prihvatljivim aktivnostima smatraju se aktivnosti isključivo u vezi s realizacijom odobrenog programa odnosno projekta od javnog interesa.
- (2) Prihvatljivi troškovi su troškovi koji kumulativno ispunjavaju sljedeće uslove:
  - a) nastali su za vrijeme perioda provođenja programa odnosno projekta od javnog interesa u skladu s ugovorom,
  - b) moraju biti navedeni u ukupnom predviđenom budžetu programa odnosno projekta od javnog interesa (ANEKS IV),
  - c) neophodni za provođenje programa odnosno projekta od javnog interesa koji je predmet dodjele novčanih sredstava,
  - d) mogu biti identifikovani i provjereni i koji su računovodstveno evidentirani kod prijavljenog lica kojem je odobren program odnosno projekat od javnog interesa, u skladu s važećim propisima,
  - e) troškovi trebaju biti zasnovani na realnoj cijeni odnosno procjeni vrijednosti.
- (3) Prihvatljivi troškovi mogu biti:
  - a) direktni,
  - b) indirektni.
- (4) Direktni troškovi su oni troškovi koji su u direktnoj vezi s provođenjem i ostvarenjem ciljeva programa odnosno projekta od javnog interesa, odnosno direktno povezani s pojedinačnom aktivnošću projekta i kada se veza s tom pojedinačnom aktivnošću može pokazati.
- (5) U indirektno troškove ubrajaju se oni troškovi koji nastaju u okviru provođenja programa odnosno projekta od javnog interesa ali nisu u direktnoj vezi s ostvarenjem jednog ili više ciljeva, odnosno nisu direktno povezani ili se ne mogu povezati s pojedinačnom aktivnošću projekta.
- (6) Indirektno troškove čine: troškovi usluga računovodstva, troškovi usluga čišćenja i održavanja, troškovi telefona, vode, električne energije, najma kancelarijskog prostora u dijelu koji se koristi za provođenje programa odnosno projekta od javnog interesa, troškovi poštarine, kancelarijski materijal i slično.
- (7) Indirektni troškovi izračunavaju se primjenom fiksne stope do **10%** (deset posto) ukupnog iznosa odobrenih sredstava.

### **Neprihvatljivi troškovi**

---

Neprihvatljivim troškovima smatraju se:

- a) dugovi i stavke za pokrivanje gubitaka, dugova, kazni i slično,
- b) dospjele kamate,
- c) stavke koje se već finansiraju iz javnih izvora,
- d) kupovina zemljišta ili građevina,
- e) gubici na kursnim razlikama,
- f) zajmovi trećim stranama,
- g) pokloni,
- h) lično životno osiguranje,

- i) žestoka alkoholna pića,
- j) kupovina bilo koje vrste prevoznih sredstava,
- k) kupovina osnovnih sredstava i opreme koja nisu direktno u vezi s realizacijom programa odnosno projekta od javnog interesa.

### Dostavljanje prijave

---

Prijava s potrebnom dokumentacijom dostavlja se u zatvorenoj koverti s naznakom:  
„Prijava na javni poziv za finansiranje odnosno sufinansiranje programa odnosno projekata od javnog interesa u Odjeljenju za privredni razvoj, sport i kulturu, iz oblasti sporta i kulture“.

Prijavu predati u zgradi Vlade Brčko distrikta BiH, prizemlje, šalter broj 6 ili putem pošte na adresu:  
Odjeljenje za privredni razvoj, sport i kulturu, Bulevar mira br. 1, Brčko distrikt BiH.

(2) Prigovor se dostavlja putem protokola, šalter broj 6 ili putem pošte na adresu:  
Odjeljenje za privredni razvoj, sport i kulturu, Bulevar mira br. 1, Brčko distrikt BiH.

### Kontakt-informacije:

---

Odjeljenje za privredni razvoj, sport i kulturu

Broj telefona: **049/ 240-671**

Rok za dostavljanje svih pitanja u vezi s Javnim pozivom: 5 dana od dana objavljivanja Javnog poziva.

Rok za odgovor na sva pitanja u vezi s Javnim pozivom: 3 dana od isteka roka za postavljanje pitanja.

Kontakt e-mail za sva pitanja u vezi s Javnim pozivom: [alen.guso@bdcentral.net](mailto:alen.guso@bdcentral.net)

**Napomena:** Sva pitanja i odgovori će biti objavljeni na web stranici Vlade Brčko distrikta BiH [www.vlada.bdcentral.net](http://www.vlada.bdcentral.net), svim zainteresovanim aplikantima.



Srdan Blažić, dipl. ekonomista